



Broj: 01-50-1-15-29/08
Sarajevo, 4. juna 2008. godine

ZAPISNIK
29. sjednice Predstavničkog doma
Parlamentarne skupštine Bosne i Hercegovine

Sjednica Predstavničkog doma održana je u dva dijela - 14. maja i 4. juna 2008.
Sjednici, koja je počela 14. maja u 10 sati, prisustvovali su svi poslanici.

Iz Vijeća ministara BiH sjednici su prisustvovali predsjedavajući Nikola Špirić, ministri Dragan Vrankić, Sredoje Nović, Sven Alkalaj, te zamjenici ministara Senad Šepić i Vilim Primorac.

Iz međunarodnih organizacija prisustvovali su predstavnici OHR-a, EUPM-a, britanske ambasade, te nevladine organizacije Centri civilnih inicijativa.

Zbog razmatranja Prijedloga zakona o plaćama i naknadama u institucijama BiH sjednici su prisustvovali predstavnici Jedinственог синдиката институција Босне и Херцеговине.

Sjednicom je predsjedavao Niko Lozančić, nakon što je 11. maja 2008. izvršena rotacija na dužnosti predsjedavajućeg.

Na početku sjednice predsjedavajući Doma Niko Lozančić zahvalio se dosadašnjem predsjedavajućem Miloradu Živkoviću na korektnoj saradnji i konstruktivnom radu i poželio da njihova saradnja i dalje bude na visokom nivou. Predsjedavajući Lozančić pozvao je sve poslanike na korektnu saradnju u narednih osam mjeseci njegovog predsjedavanja Domom.

Zatim je predsjedavajući Lozančić podnio uvodne napomene o prijedlogu dnevnog reda i obrazložio razloge za izmjene i dopune predloženog dnevnog reda. Naime, iz prijedloga dnevnog reda skinute su dvije tačke: Prijedlog okvirnog zakona o srednjem stručnom obrazovanju i obuci u BiH i Prijedlog zakona o graničnoj kontroli – zbog zahtjeva nadležnih komisija za produženje roka za komisijsko razmatranje. Dnevni red dopunjen je uključivanjem Izvještaja komisije Kolegija o nastojanju za postizanje saglasnosti o prijedlozima zaključaka poslanika Zlatka Lagumdžije, koji na 9. zajedničkoj sjednici oba doma nisu dobili entitetsku većinu.

U uvodnim napomenama predsjedavajući Lozančić upoznao je Dom o tome da u dnevni red nije uvrštena Odluka predsjedavajućeg Vijeća ministara BiH o razrješenju ministra Svena Alkalaja i zamjenika ministara Igora Crnatka i Senada Šepića, zbog tragične nesreće u porodici Igora Crnatka.

Predsjedavajući je upoznao Dom i o tome da u dnevni red nisu uvršteni zahtjevi poslanika Kluba SDP-a za razmatranje izmjena i dopuna Izbornog zakona BiH, s obzirom da su prestali razlozi za hitnost koji su navedeni u vrijeme podnošenja zahtjeva.

U raspravi o prijedlogu dnevnog reda Milica Marković predložila je da se u dnevni red uvrsti prijedlog zaključka o zaduživanju Vijeća ministara BiH za pokretanje zakonske procedure kojom bi se identificirala imovina bivšeg SKBiH, te oduzela od sadašnjih korisnika, a sve u skladu sa zakonskim propisima.

Momčilo Novaković rekao je da je u vezi s Prijedlogom zakona o izmjenama i dopunama Zakona o finansiranju političkih stranaka učinjen poslovnički propust jer je nadležna Komisija za finansije i budžet razmatrala Prijedlog zakona u prvoj fazi prije nego što je Ustavnopravna komisija utvrdila ustavni osnov. Rekao je da ne predlaže da se ovaj prijedlog zakona skine s dnevnog reda, ali da zahtijeva da se takvi propusti ubuduće ne čine.

Denis Bećirović predložio je da se u dnevni red uvrsti: "Informacija o tome ko su dobitnici odlikovanja i priznanja koja je od 1992. do 1995. godine uručio najtraženiji ratni zločinac i haški

bjegunac Radovan Karadžić i da li je tačno da je ovaj Karadžićev zakon, usvojen 27. aprila 1993., još uvijek na snazi". Bećirović je zatražio da se, ako je nemoguće da se na ovoj sjednici uvsti ova tačka, Dom zaključkom odredi da to bude tačka dnevnog reda naredne sjednice Doma.

Povodom iznesenih prijedloga vođena je duga i polemična rasprava u kojoj su učestvovali: Jozo Križanović, Milorad Živković, Azra Hadžiahmetović, Zlatko Lagumdžija, Milica Marković, Sadik Bahtić, Lazar Prodanović, Denis Bećirović, Drago Kalabić, Selim Bešlagić, Momčilo Novaković, Slavko Jovičić, Husein Nanić, Remzija Kadrić, Snježana Rajilić, Sadik Ahmetović, Sefer Halilović, Jerko Ivanković Lijanović i Branko Dokić,

Azra Hadžiahmetović predložila je da se Dom tajno izjasni o prijedlozima za imenovanje generalnog revizora i zamjenika, kao i da se ubuduće tajno izjašnjava o svim imenovanjima na dužnosti koje slove kao nezavisne.

Šefik Džaferović je, zbog duge rasprave o prijedlogu dnevnog reda, predložio da se s dnevnog reda skinu poslanička pitanja i odgovori, što je podržao i Branko Dokić.

Poslije zaključivanja rasprave, predsjedavajući Doma Niko Lozančić dao je na glasanje prijedlog Milice Marković za dopunu dnevnog reda.

Prijedlog je usvojen sa 30 glasova "za" (Federacija BiH 18, RS 12), tri "protiv" i dva "suzdržana". Prijedlog je uvršten u dnevni red kao 17. tačka.

U vezi s prijedlogom Denisa Bećirovića, predsjedavajući je rekao da će Kolegij o njemu odlučivati prilikom utvrđivanja prijedloga dnevnog reda za 30. sjednicu.

Predsjedavajući je dalje na glasanje dao prijedlog Šefika Džaferovića da se u s dnevnog reda skinu poslanička pitanja i odgovori.

Prijedlog je usvojen sa 28 glasova "za" (Federacija BiH 17, RS 11), dva "protiv" i jednim "suzdržanim".

Predsjedavajući je konstatirao da 29. sjednica Doma ima sljedeći

DNEVNI RED

1. Usvajanje Zapisnika 28. sjednice Predstavničkog doma,
2. Prijedlog zakona o izmjenama i dopunama Zakona o sukobu interesa u institucijama vlasti BiH (drugo čitanje),
3. Prijedlog zakona o lijekovima i medicinskim sredstvima (drugo čitanje),
4. Prijedlog zakona o izmjenama i dopunama Zakona o jedinstvenom matičnom broju (drugo čitanje),
5. Prijedlog zakona o izmjenama i dopunama Zakona o ličnoj karti državljana BiH (drugo čitanje),
6. Prijedlog zakona o izmjenama i dopunama Zakona o prebivalištu i boravištu državljana BiH (drugo čitanje),
7. Prijedlog zakona o izmjenama i dopunama Zakona o krivičnom postupku BiH (drugo čitanje),
8. Prijedlog zakona o Fiskalnom vijeću BiH (drugo čitanje),
9. Prijedlog zakona o plaćama i naknadama u institucijama BiH (drugo čitanje),
10. Prijedlog zakona o izmjenama i dopunama Zakona o finansiranju političkih stranaka (prvo čitanje),
11. Prijedlog zakona o zaštiti domaće proizvodnje unutar Sporazuma CEFTA - predlagач: poslanik Jerko Ivanković Lijanović (prvo čitanje),
12. Izvještaj Zajedničke komisije oba doma o usaglašavanju teksta Zakona o izmjenama i dopunama Zakona o upotrebi i zaštiti naziva Bosne i Hercegovine,
13. Izvještaj komisije Kolegija o nastojanju za postizanje salasnosti o prijedlozima zaključaka poslanika Zlatka Lagumdžije, sa 9. zajedničke sjednice oba doma.
14. Imenovanje generalnog revizora i zamjenika generalnog revizora (kandidatsku rang- listu dostavila Komisija za izbor generalnog revizora i zamjenika generalnog revizora),
15. Razmatranje izvještaja komisija Doma za 2007. godinu:
 - a) Ustavnopravne komisije,
 - b) Komisije za finansije i budžet,
 - c) Komisije za vanjsku trgovinu i carine,

- d) Komisije za vanjske poslove,
 - e) Komisije za saobraćaj i komunikacije,
 - f) Komisije za ostvarivanje ravnopravnosti spolova.
16. Razmatranje izvještaja o radu za 2007. godinu zajedničkih komisija oba doma:
- a) Zajedničke komisije za odbranu i sigurnost,
 - b) Zajedničke sigurnosno-obavještajne komisije za nadzor nad radom Obavještajno-sigurnosne agencije BiH,
 - c) Zajedničke komisije za ljudska prava, prava djeteta, mlade, imigraciju, izbjeglice, azil i etiku,
 - d) Zajedničke komisije za administrativne poslove,
 - e) Zajedničke komisije za evropske integracije,
 - f) Zajedničke komisije za ekonomske reforme i razvoj.
17. Prijedlog zaključka o zaduživanju Vijeća ministara BiH za pokretanje zakonske procedure kojom bi se identificirala imovina bivšeg SKBiH, te oduzela od sadašnjih korisnika, a sve u skladu sa zakonskim propisima;
18. Davanje saglasnosti za ratifikaciju:
- a) Strazburškog sporazuma o međunarodnoj klasifikaciji patenata,
 - b) Evropske konvencije o nezastarijevanju zločina protiv čovječnosti i ratnih zločina,
 - c) Konvencije o zaštiti nematerijalne kulturne baštine (UNESCO).

Nakon utvrđivanja dnevnog reda, Husein Nanić iznio je inicijativu koju je, kako je rekao, imao namjeru podnijeti u okviru poslaničkih pitanja, a koju je predao Kolegiju, a to je da se zaduži Vijeće ministara BiH da uradi i Parlamentarnoj skupštini BiH dostavi informaciju o spremnosti institucija BiH za preuzimanje obaveza u vezi s primjenom Sporazuma o stabilizaciji i pridruživanju. Predložio je da se ova inicijativa stavi u proceduru preko Kolegija i nadležnih komisija kako bi na kraju dobila podršku Doma.

Predsjedavajući Lozančić zahvalio se Naniću na pomoći i pozvao sve poslanike koji su pripremili pitanja u pisanoj formi da ih predaju, bez obzira što ova tačka nije na dnevnom redu.

Ad .1. Usvajanje Zapisnika 28. sjednice Predstavničkog doma

Nije bilo rasprave o Zapisniku pa je usvojen jednoglasno – sa 41 glasom "za".
(Federacija BiH 27, RS 14).

Ad. 2. Prijedlog zakona o izmjenama i dopunama Zakona o sukobu interesa u institucijama vlasti BiH (drugo čitanje)

U uvodnim napomenama predsjedavajući je podsjetio da je nadležna komisija usvojila dva amandmana, a da u plenarnoj fazi nema amandmana.

U ime nadležne Ustvanopravne komisije kratko je govorio njen predsjedavajući Šefik Džaferović.

U raspravi su učestvovali: Rifat Dolić, Drago Kalabić, Velimir Jukić, Branko Dokić, Jozo Križanović, Martin Raguž, Šefik Džaferović, Milorad Živković i Jerko Ivanković Lijanović.

Velimir Jukić i Branko Dokić u raspravi su predložili zaključke.

Prilikom glasanja usvojeni su prijedlozi zaključaka i Jukića (36 glasova "za" (Federacija BiH 23, RS 13), pet "suzdržanih") i Dokića (35 glasova "za" (Federacija BiH 22, RS 13), pet poslanika se "suzdržalo"). Kako su predloženi zaključci u većem dijelu isti, konačan zaključak glasi:

Zadužuje se Vijeće ministara BiH da hitno pristupi izradi novog zakona o sukobu interesa u institucijama vlasti Bosne i Hercegovine, koji će biti zasnovan na pozitivnim iskustvima zemalja članica Evropske unije, kao i iskustvima Centralne izborne komisije BiH, te da Prijedlog zakona uputi Parlamentarnoj skupštini BiH na usvajanje, najkasnije do kraja prvog kvartala 2009. godine.

Poslije usvajanja zaključka, Dom se izjasnio o Prijedlogu zakona.

"Za" su glasala 22 (Federacija BiH 20, RS dva), protiv "devet", "suzdržalo" se sedam poslanika.

Kako nije bilo entitetske većine, odmah je provedeno usaglašavanje u Kolegiju i nije bilo saglasnosti.

U drugom krugu glasanja iz Republike Srpske "protiv" je glasalo 11 poslanika, što je više od dvije trećine iz entiteta.

Predsjedavajući je konstatirao da Prijedlog zakona o izmjenama i dopunama Zakona o sukobu interesa u institucijama vlasti BiH u drugom čitanju nije usvojen.

Ad . 3. Prijedlog zakona o lijekovima i medicinskim sredstvima (drugo čitanje)

Predsjedavajući je u uvodnim napomenama rekao da je nadležna komisija usvojila osam amandmana na ovaj zakonski prijedlog, a da je Momčilo Novaković u plenarnoj fazi podnio amandman kojim osporava amandman broj 7. Komisije.

U raspravi su učestvovali: Halid Genjac, Momčilo Novaković, Azra Hadžiahmetović, Drago Kalabić, Bakir Izetbegović, Azra Alajbegović i Ekrem Ajanović.

Prilikom glasanja Momčilo Novaković povukao je amandmane.

Zakon o lijekovima i medicinskim sredstvima usvojen je u drugom čitanju sa 40 glasova "za" (Federacija BiH 27, RS 13), a jedan poslanik se "suzdržao".

Ad. 4, 5. i 6.

U uvodnim napomenama o ovim tačkama predsjedavajući je rekao da je nadležna Ustavnopravna komisija ove zakone usvojila u predloženom tekstu i da nema amandmana u plenarnoj fazi.

Nije bilo rasprave u okviru ovih tačaka dnevnog reda.

Prilikom glasanja Dom je u drugom čitanju usvojio:

- Zakon o izmjenama i dopunama Zakona o jedinstvenom matičnom broju ("za" glasalo 38 (Federacija BiH 25, RS 13), "suzdržan" jedan poslanik;
- Zakon o izmjenama i dopunama Zakona o ličnoj karti državljana BiH ("za" glasalo 40 (Federacija BiH 26, RS 14), "suzdržan" jedan poslanika;
- Zakon o izmjenama i dopunama Zakona o prebivalištu i boravištu državljana BiH ("za" glasalo 39 (Federacija BiH 26, RS 13), "suzdržan" jedan poslanik.

Ad .7. Prijedlog zakona o izmjenama i dopunama Zakona o krivičnom postupku BiH (drugo čitanje)

U uvodnim napomenama predsjedavajući je rekao da je nadležna komisija usvojila 15 amandmana na Prijedlog zakona iz ove tačke, a da u plenarnoj fazi nema amandmana.

Predsjedavajući Ustavnopravne komisije Šefik Džaferović kratko je govorio u ime Komisije.

Kratko je diskutirao Beriz Belkić.

Zakon je usvojen sa 37 glasova "za" (Federacija BiH 23, RS 14).

Ad. 8. Prijedlog zakona o Fiskalnom vijeću BiH (drugo čitanje)

U uvodnim napomenama predsjedavajući je podsjetio da je i ovaj zakonski prijedlog u nadležnoj komisiji usvojen u predloženom tekstu, a da je u plenarnoj fazi Momčilo Novaković podnio sedam amandmana koje ponovo brani.

Momčilo Novaković obrazložio je svoje amandmane.

U ime Komisije za finansije i budžet govorio je njen predsjedavajući Sadik Bahtić.

U raspravi su učestvovali Azra Hadžiahmetović, Bakir Izetbegović i Momčilo Novaković.

Prilikom glasanja Dom se prvo izjasnio o amandmanima Momčila Novakovića.

Usvojeni su:

- Amandman 2. – na član 3. Prijedloga zakona – "za" glasalo 20 (Federacija BiH 11, RS devet), "protiv" 13, "suzdržanih" šest i
- Amandman 7. – na član 11. Prijedloga zakona – "za" glasalo 17 (Federacija BiH osam, RS devet), "protiv" 13, "suzdržanih" 11. Zbog nedostatka entitetske većine iz Federacije BiH, provedeno je usaglašavanje u Kolegiju, nakon čega je predsjedavajući obavijestio Dom da je u Kolegiju postignuta saglasnost i da je time amandman usvojen.

Dom nije usvojio sljedeće amandmane Novakovića:

- Amandman 1. – "za" glasalo 11, "protiv" 23, "suzdržanih" sedam;
- Amandman 3. – "za" glasalo sedam, "protiv" 24, "suzdržanih" 10;
- Amandman 4. – "za" glasalo šest, "protiv" 21, "suzdržanih" 11;
- Amandman 5. – "za" glasalo sedam, "protiv" 23, "suzdržanih" 10 i
- Amandman 6. – "za" glasalo šest, "protiv" 21, "suzdržanih" 14 poslanika.

Poslije glasanja o amandmanima Dom je, sa 32 glasa "za" (Federacija BiH 22, RS 10), tri "protiv" i pet "suzdržanih", usvojio Zakon o Fiskalnom vijeću BiH.

Ad .9. Prijedlog zakona o plaćama i naknadama u institucijama BiH (drugo čitanje)

Predsjedavajući je u uvodnim napomenama rekao da je nadležna Komisija za finansije i budžet usvojila 20 amandmana, a da su u plenarnoj fazi amandmane podnijeli: Klub SDA, Jerko Ivanković Lijanović, Salko Sokolović, Momčilo Novaković, Branko Dokić, Klub SNSD-a i Adem Kuskić.

Predsjedavajući Komisije za finansije i budžet Sadik Bahtić govorio je u ime Komisije.

U okviru ove tačke vođena je duga rasprava u kojoj su učestvovali: Bakir Izetbegović, Mirjana Malić, Rifat Dolić, Velimir Jukić, Slavkao Jovičić, Azra Hadžiahmetović, Hadži Jovan Mitrović, Branko Dokić, Jerko Ivanković Lijanović, Lazar Prodanović, Momčilo Novaković, Jozo Križanović, Zlatko Lagumdžija, Vinko Zorić, Milorad Živković, Beriz Belkić, Drago Kalabić, Sadik Bahtić, Denis Bećirović, Remzija Kadrić, Salko Sokolović, Ekrem Ajanović, Šefik Džaferović, Milica Marković, Savo Erić, Niko Lozančić, Bajazit Jašarević. Domu se obratio i Neđo Đurić, predstavnik Koordinacionog odbora sindikata registriranih na nivou institucija BiH.

Prilikom glasanja predsjedavajući je, u skladu s Poslovníkom, prvo na glasanje dao zaključke koje su u raspravi predložili Zlatko Lagumdžija i Branko Dokić:

Prijedlog zaključka Zlatka Lagumdžije u dvije tačke glasi:

„1. Zadužuje se Vijeće ministara BiH da, na osnovu dosadašnje rasprave i Prijedloga zakona o plaćama i naknadama u institucijama BiH, pripremi novi prijedlog zakona i

2. Zadužuju se nadležni organi da postojeće koeficijente odmah povećaju za 10% zaposlenima koji su državni službenici i stručno osoblje, obuhvaćeni članom 12., 14. i 25. Prijedloga zakona, profesionalna vojna lica obuhvaćena članom 17., policijski službenici obuhvaćeni članom 21. i zaposlenici obuhvaćeni članom 27.“

Prijedlozi ovih zaključaka nisu usvojeni. "Za" je glasalo osam, "protiv" 20, "suzdržalo" se 12 poslanika.

Prijedlog zaključka Branka Dokića glasi:

„Zadužuje se Administrativna komisija da visinu poslaničkog paušala učini primjerenom tako da ne narušava osnovne principe ovog zakona ni odnose i hijerarhiju među institucijama Bosne i Hercegovine“.

Prilikom glasanja Dokić je svoj zaključak povukao.

Poslije glasanja o zaključcima Branko Dokić obrazložio je svoj amandman i pozvao Dom da ga usvoji.

Predsjedavajući Lozančić oborazložio je amandmane koje su članovi Kolegija podnijeli po novim aspektima – a koje su podržali i članovi Proširenog kolegija, kojima su iz Prijedloga zakona

isključeni poslanici i delegati u Parlamentarnoj skupštini BiH i koji, ustvari, predstavljaju kompromis kako bi Zakon o plaćama i naknadama u institucijama Bosne i Hercegovine bio usvojen.

S obzirom na okolnosti koje je iznio predsjedavajući Doma, Drago Kalabić pozvao je sve podnosiocje amandmana u plenarnoj fazi da ih povuku te povukao amandmane Kluba SNSD-a.

Osim Kluba SNSD-a, amandmane su povukli Adem Huskić i Momčilo Novaković, Sadik Bahtić i Jerko Ivanković Lijanović.

Nakon što su se pomenuti poslanici izjasnili o povlačenju amandmana, predsjedavajući je prvo na glasanje dao tri amandmana članova Kolegija, podnesena u skladu s članom 118. stav (3)b Poslovnika.

Amandmani su usvojeni, s rezultatima glasanja kakao slijedi:

- Amandman I. – "za" 31 (Federacija BiH 21, RS 10), "protiv" četiri, "suzdržano" šest poslanika;
- Amandman II. – "za" 34 (Federacija BiH 21, RS 13), "protiv" četiri, "suzdržana" tri i
- Amandman III. – "za" 31 (Federacija BiH 21, RS 10), "protiv" tri, "suzdržano" sedam poslanika.

U ovom dijelu sjednice u vezi s amandmanima kratko je diskutirao Branko Dokić. Zatim je provedeno glasanje o amandmanima, po pregledu koji je pripremila Komisija za finansije i budžet.

Nije usvojen nijedan amandman. Rezultati glasanja su sljedeći:

- Amandman I. Kluba SDA – "za" 11, "protiv" 20, "suzdržano" devet;
- Za Amandmanom II. Kluba SDA prestala je potreba s obzirom na usvajanje amandmana članova Kolegija na član 10. Prijedloga zakona;
- Amandman III. Kluba SDA – "za" 13, "protiv" 18, "suzdržano" devet;
- Amandman IV. Kluba SDA – "za" devet, "protiv" 20, "suzdržano" 12;
- Amandman V. Kluba SDA – "za" 12, "protiv" 19, "suzdržano" 10;
- Amandman VI. Kluba SDA – "za" 10, "protiv" 20, "suzdržano" 11;
- Amandman VII. Kluba SDA – "za" 14, "protiv" 19, "suzdržano" osam;
- Amandman VIII. Kluba SDA – "za" 11, "protiv" 21, "suzdržano" osam;
- Amandman IX. Kluba SDA – "za" 14, "protiv" 18, "suzdržano" devet;
- Amandman X. Kluba SDA – "za" devet, "protiv" 21, "suzdržano" 11;
- Amandman XI. Kluba SDA – "za" 11, "protiv" 21, "suzdržano" devet;
- Amandman XII. Kluba SDA – "za" 14, "protiv" 19, "suzdržano" osam;
- Amandman I. Salka Sokolovića – "za" 11, "protiv" 19, "suzdržano" 11 i
- Amandman I. Branka Dokića – "za" devet, "protiv" 14, "suzdržano" 17 poslanika.

Pošto se Dom izjasnio o svim amandmanima podnesenim u plenarnoj fazi, predsjedavajući je na glasanje dao Prijedlog zakona o plaćama i naknadama u institucijama Bosne i Hercegovine, s amandmanima Komisije i amandmanima usvojenim u plenarnoj fazi.

Zakona je usvojen sa 30 glasova "za" (Federacija BiH 21, Republika Srpska devet), osam "protiv" i jednim "suzdržanim".

Ad. 10. Prijedlog zakona o izmjenama i dopunama Zakona o finansiranju političkih stranaka (prvo čitanje)

Poslije uvodnih napomena predsjedavajućeg Doma u raspravi su učestvovali: Jerko Ivanković Lijanović, Jozo Križanović i Šefik Džaferović.

Prijedlog zakona je u prvom čitanju usvojen sa 25 glasova "za" (Federacija BiH 20, RS pet), jednim "protiv" i 13 "suzdržanih".

Ad. 11. Prijedlog zakona o zaštiti domaće proizvodnje u okviru Sporazuma CEFTA - predlagач: poslanik Jerko Ivanković Lijanović (prvo čitanje)

U uvodnim napomenama predsjedavajući je podsjetio da je predlagач prvo tražio hitni postupak za donošenje ovog zakona, ali da se kasnije opredijelio za skraćeni postupak po članu 126. Poslovnika, što je Dom i usvojio.

Prvi se za riječ javio Husein Nanić koji je, u ime Kluba SDA, predložio određene zaključke.

Jerko Ivanković Lijanović opširno je obrazložio Prijedlog zakona i potrebu njegovog donošenja.

U raspravi su učestvovali: Momčilo Novaković, Azra Hadžiahmetović, Branko Dokić, Zlatko Lagumdžija, Sadik Ahmetović i Milorad Živković.

U ime resornog ministarstva govorio je Sabrija Šerifović, pomoćnik ministra vanjske trgovine i ekonomskih odnosa BiH.

Klub SDA u raspravi je predložio sljedeće zaključke:

1. Zadužuje se Vijeće ministara BiH da izradi analizu efekata primjene Sporazuma CEFTA i mišljenje o Prijedlogu zakona o zaštiti domaće proizvodnje u okviru Sporazuma CEFTA.

2. Zadužuje se Vanjskotrgovinska komora BiH da dostavi podatke o vanjskotrgovinskom bilansu BiH, s posebnim osvrtom na trendove nakon stupanja na snagu Sporazuma CEFTA.

3. Rok za dostavljanje traženih materijala je 30 dana.

Navedeni zaključci usvojeni su sa 30 glasova "za" (Federacija BiH 22, RS osam), dva "protiv" i šest "suzdržanih".

Nakon usvajanja zaključaka Dom je usvojio i Prijedlog zakona iz ove tačke u prvom čitanju. "Za" je glasalo 20 (Federacija BiH 14, RS šest), "protiv" četiri, "suzdržalo" se 12 poslanika.

Ad. 12. Izvještaj Zajedničke komisije oba doma o usaglašavanju teksta Zakona o izmjenama i dopunama Zakona o upotrebi i zaštiti naziva Bosne i Hercegovine

Nije bilo rasprave o ovoj tački dnevnog reda.

Izvještaj je usvojen sa 30 glasova "za" (Federacija BiH 20, RS 10), tri "protiv" i šest "suzdržanih".

Ad. 13. Izvještaj komisije Kolegija o nastojanju za postizanje saglasnosti o prijedlozima zaključaka poslanika Zlatka Lagumdžije, sa 9. zajedničke sjednice oba doma

Predsjedavajući je podsjetio da u Kolegiju nije postignuta saglasnost o prijedlozima zaključaka iz ove tačke. Radi se o prijedlogu zaključaka koje je Zlatko Lagumdžija predložio na 9. zajedničkoj sjednici oba doma u okviru rasprave o Prijedlogu zakona o izmjenama i dopunama Izbornog zakona BiH. Sadržaj zaključaka je sljedeći:

1. Poziva se Zajednički kolegij da odmah zakaže sjednicu oba doma kako bi se Parlamentarna skupština BiH po hitnom postupku odredila o prijedlozima zakona po kojima bi se izmjene Izbornog zakona BiH odnosile na cijelu BiH umjesto samo na Srebrenicu i za naredni period umjesto samo za 2008. godinu.

2. Poziva se Vijeće ministara BiH i visoki predstavnik da donesu odgovarajuće odluke i predlože Parlamentarnoj skupštini BiH potrebne akte, kako bi Srebrenica dobila potreban poseban status, do održavanja lokalnih izbora, na bazi pravnih i moralnih obaveza proizašlih iz presuda u Hagu o genocidu“.

Nije bilo rasprave.

U drugom krugu glasanja zaključci nisu usvojeni. "Za" je glasalo 20, "protiv" 14, pri čemu je iz Republike Srpske "protiv" glasalo 12 poslanika, što je više od dvije trećine, a šest poslanika bilo je "suzdržano".

Ad . 14. Imenovanje generalnog revizora i zamjenika generalnog revizora (kandidatsku rang-listu dostavila Komisija za izbor generalnog revizora i zamjenika generalnog revizora)

U uvodnim napomenama predsjedavajući Lozančić podsjetio je poslanike da je kandidatsku rang-listu sačinila Komisija za izbor generalnog revizora i zamjenika generalnog revizora.

U raspravi o ovoj tački učestvovao je Husein Nanić.

Azra Hadžiahmetović je, u raspravi o prijedlogu dnevnog reda, predložila da se o kandidatima za revizorske dužnosti obavi tajno glasanje.

Prilikom glasanja predsjedavajući je prvo na glasanje dao ovaj prijedlog, koji je usvojen sa 22 glasa "za" (Federacija BiH 12, RS 10), devet "protiv" i devet "suzdržanih".

Zatim je provedeno glasanje o kandidatima za generalnog revizora, prema rang-listi koju je sačinila Ad hoc komisija. Predsjedavajući je napomenuo da je imenovan prvi kandidat koji dobije opću i entitetsku većinu, pa se o sljedećim kandidatima s liste neće ni glasati.

Prvo se glasalo o kandidatu pod brojem 1 na listi (Milenko Šego) iz hrvatskog naroda.

"Za" su glasala 33 (Federacija BiH 24, RS devet), "protiv" pet, "suzdržana" dva poslanika.

Predsjedavajući je konstatirao da je za generalnog revizora imenovan **Milenko Šego**.

O kandidatu pod brojem 2 (Drago Novaković) nije se glasalo.

Predsjedavajući je dalje proveo glasanje o kandidatima za zamjenike generalnog revizora s listi iz druga dva konstitutivna naroda, po redoslijedu na rang-listi za zamjenike generalnog revizora.

Na rang-listi iz srpskog naroda pod brojem 1 je Dragan Kulina.

"Za" imenovanje Dragana Kuline glasalo je 17, "protiv" 17, "suzdržano" sedam poslanika.

Predsjedavajući je konstatirao da Dragan Kulina nije dobio opću većinu Doma.

Kandidat pod brojem 2 na rang-listi iz srpskog naroda je Božana Trninić.

"Za" imenovanje Božane Trninić glasao je 31 poslanik (Federacija BiH 21, RS 10), "protiv" je glasalo osam, "suzdržana" su bila dva poslanika.

Predsjedavajući je konstatirao da je za zamjenika generalnog revizora iz srpskog naroda imenovana **Božana Trninić**.

O kandidatu pod brojem 3 (Miroљub Krunić) nije se glasalo.

Zatim je provedeno glasanje o kandidatima s liste iz bošnjačkog naroda.

Kandidat pod brojem 1 – Dževad Nekić – dobio je 16 glasova "za", 19 "protiv", "suzdržanih" šest.

Predsjedavajući je konstatirao da ovaj kandidat nije dobio većinu.

Kandidat pod brojem 2 - Munib Ovčina – dobio je sedam glasova "za", "protiv" 21, "suzdržanih" šest. Predsjedavajući je konstatirao da ni ovaj kandidat nije dobio većinu.

Kandidat pod brojem 3 – Munevera Baftić – dobila je 27 glasova "za" (Federacija BiH 19, RS osam), osam "protiv" i jedan poslanik bio je "suzdržan".

Predsjedavajući je konstatirao da je za zamjenika generalnog revizora iz bošnjačkog naroda imenovana **Munevera Baftić**.

O kandidatu pod brojem 4 (Admir Džumhur) nije se glasalo.

Ad. 15. Razmatranje izvještaja komisija Doma za 2007. godinu:

- a. Ustavnopravne komisije,
- b. Komisije za finansije i budžet,
- c. Komisije za vanjsku trgovinu i carine,
- d. Komisije za vanjske poslove,
- e. Komisije za saobraćaj i komunikacije,
- f. Komisije za ostvarivanje ravnopravnosti spolova.

Nije bilo rasprave.

Prilikom glasanja Dom je, sa 33 glasa "za" (Federacija BiH 22, RS 11) i pet "suzdržanih", usvojio prijedlog predsjedavajućeg da se o izvještajima glasa u paketu.

Sa 37 glasova "za" (Federacija BiH 25, RS 12) i jednim "suzdržanim", usvojeni su izvještaji komisija iz ove tačke.

Ad. 16. Razmatranje izvještaja o radu za 2007. godinu zajedničkih komisija oba doma:

- a) Zajedničke komisije za odbranu i sigurnost,
- b) Zajedničke sigurnosno-obavještajne komisije za nadzor nad radom Obavještajno-sigurnosne agencije BiH,
- c) Zajedničke komisije za ljudska prava, prava djeteta, mlade, imigraciju, izbjeglice, azil i etiku,
- d) Zajedničke komisije za administrativne poslove,
- e) Zajedničke komisije za evropske integracije,
- f) Zajedničke komisije za ekonomske reforme i razvoj.

I za ove izvještaje usvojen je prijedlog predsjedavajućeg da se glasa u paketu. "Za" je glasalo 35 (Federacija BiH 22, RS 13), "suzdržano" pet poslanika.

Izvještaji su usvojeni sa 36 glasova "za" (Federacija BiH 23, RS 13), četiri poslanika bila su "suzdržana".

Ad. 17. Prijedlog zaključka o zaduživanju Vijeća ministara BiH za pokretanje zakonske procedure kojom bi se identificirala imovina bivšeg SKBiH, te oduzela od sadašnjih korisnika, a sve u skladu sa zakonskim propisima

U uvodnim napomenama predsjedavajući je rekao da su poslanici dobili tekst predloženog zaključak koji je, uz prijedlog tačke dnevnog reda, predložila Milica Marković.

Milica Marković kratko je obrazložila prijedlog zaključka u svojstvu predlagača tačke dnevnog reda.

U raspravi su učestvovali: Bakir Izetbegović, Jozo Križanović, Šefik Džaferović, Milorad Živković i Momčilo Novaković.

Povodom ove tačke zaključke su predložili Sefer Halilović i Klub SDA.

Prilikom glasanja Dom je, sa 32 glasa "za" (Federacija BiH 20, RS 12), pet "protiv" i dva "suzdržana", usvojio zaključak koji je predložila Milica Marković u ime Kluba SNSD-a, koji glasi:

1. Zadužuje se Vijeće ministara BiH da pokrene postupak identifikacije imovine bivšeg Saveza komunista Bosne i Hercegovine (SKBiH) i provede odgovarajuće zakonske procedure kako bi imovina bila oduzeta od sadašnjih korisnika.

2. Vijeće ministara BiH dužno je svaka tri mjeseca obavještavati Parlamentarnu skupštinu BiH o ovim aktivnostima.

Prijedlozi zaključaka Sefera Halilovića i Kluba SDA nisu dobili entitetsku većinu, pa slijedi usaglašavanje u Kolegiju kao komisiji.

"Za" zaključak Sefera Halilovića glasalo je 16 (Federacija BiH 13, RS tri), "protiv" jedan, "suzdržano" 17 poslanika.

"Za" zaključak Kluba SDA glasala su 22 poslanika (Federacija BiH 18, RS četiri), "protiv" tri, "suzdržano" osam poslanika.

Predloženi su sljedeći zaključci:

Prijedlog Sefera Halilovića:

„Zadužuje se Vijeće ministara BiH za provođenje zakonske procedure kojom bi se identificirala imovina bivših SKBiH, SSRNBiH, SSOBiH, Saveza sindikata BiH te da se na zakonit način riješi sudbina cjelokupne imovine bivših društveno-političkih organizacija.“

Prijedlog Kluba SDA:

„1. Zadužuje se Vijeće ministara BiH da pripremi informaciju o imovini bivših DPO (SK, SSRN i SSO) s podacima o njenim korisnicima, pravnom statusu i otvorenim pitanjima, s prijedlogom zakonskih i drugih aktivnosti za uređenje ove oblasti.

2. Zadužuje se Vijeće ministara BiH da Domu dostavi informaciju o načinu rješavanja ovog pitanja u drugim zemljama bivše Jugoslavije.“

Ad. 18. Davanje saglasnosti za ratifikaciju:

- a) Strazburškog sporazuma o međunarodnoj klasifikaciji патената,
- b) Evropske konvencije o nezastarijevanju zločina protiv čovječnosti i ratnih zločina,
- c) Konvencije o zaštiti nematerijalne kulturne baštine (UNESCO).

Predsjedavajući je podsjetio na mišljenja nadležne Komisije za vanjske poslove, koja je dala pozitivno mišljenje o aktima iz ove tačke.

Nije bilo rasprave.

Na prijedlog predsjedavajućeg, koji je usvojen sa 36 glasova "za" (Federacija BiH 22, RS 14) i tri "suzdržana", provedeno je glasanje u paketu o materijalima iz ove tačke.

Sa 40 glasova "za" (Federacija BiH 26, RS 14), dakle jednoglasno, Dom je dao saglasnost za ratifikaciju akata pod tač. a), b) i c).

Nakon završetka rasprave o svim tačkama dnevnog reda, predsjedavajući Doma dao je pauzu u trajanju od 45 minuta radi dogovora i pripreme za glasanje o razmatranim materijalima.

Poslije pauze, predsjedavajući je obavijestio Dom da je Kolegij u pauzi, nakon što je prikupio informacije i stavove većine klubova poslanika u Predstavničkom domu, izvršio konsultacije i zaključio da predloži Domu da se izjašnjava o svim tačkama razmatranog dnevnog reda odgođi za 4. juni 2008., kada će biti sazvana i naredna sjednica Doma, a glasanje bi se obavilo prije početka 30. sjednice.

Ovaj prijedlog Kolegija predsjedavajući je dao na glasanje.

Prijedlog je usvojen. "Za" je glasalo 30 (Federacija BiH 20, RS 10), "protiv" osam, "suzdržana" tri poslanika.

Ovim je, u 21,05 sati, završen prvi dio 29. sjednice Doma.

Nastavak 29. sjednice održan je, kako je i zaključeno, 4. juna 2008., s početkom u 10,15 sati. Pristustvovao je 41 poslanik. Odsustvovao je Zlatko Lagumdžija. I nastavku sjednice prisustvovali su predstavnici Vijeća ministara BiH – predsjedavajući i većina ministara, kao i predstavnici OHR-a, OSCE-a i nevladinih organizacija.

U nastavku je provedeno glasanje o materijalima razmatranim u prvom dijelu sjednice, kako je navedeno u okviru tačaka dnevnog reda obrađenih u ovom zapisniku.

Nastavak sjednice završen je u 11,55 sati.

Sastavni dio Zapisnika je transkript 29. sjednice.

SEKRETAR
PREDSTAVNIČKOG DOMA
Branka Todorović

PREDSJEDAVAJUĆI
PREDSTAVNIČKOG DOMA
Niko Lozančić